

四庫未收書輯刊編纂委員會編

四庫未收書輯刊

北京出版社

伍輯·拾壹冊

四庫未收書輯刊

四庫未收書輯刊編纂委員會編

北京出版社

〔清〕劉若金撰

本草述三十二卷
首一卷・之一

清嘉慶十五年還讀山房刻本

伍輯・拾壹冊目錄

本草述三十二卷首一卷・之一

〔清〕劉若金撰

一

〔清〕劉若金撰

本草述三十二卷
首一卷·之一

清嘉慶十五年還讀山房刻本

重刻解字述序

潛江劉雲窗先生著解字述
述一書所刻凡四百餘條
以述解字條更以卷三十
年所出成說強而全子始初

序

一

主述上自解字各板初不存
不亦之述述日少者解字之
他如傳如日神農歷漢宋
唐宋諸家通旨而增注明末
歷孝氏集其成曰解字經目

凡子旨解字所本字於是乎
大備然遠憾時復不免訛誤
此書之精當哉未而乘之少
好是書乃購私善本校以
刻之知所卷之未而即世憾

序

二

其未竟之志是切於心者
讀其書古之善也者居
以光榮棟出則汗牛馬然其
存於世者十之二三必是
其所以壽而不朽者為然

而根極理與者法，教化而無
以之循誦習傳者必多庸也
涉俗以是惟是之與廢人之
貴賤哉惟是之存而不亡也
存者其間其不賢者之傳者則

序

三

固不然而其自內雖亦字法亦
張字劉朱登止代名家所著
是也精者一在人耳目而粗
者必不著焉以世之為學者
宜以精於所以而不顧不盡然

而說也先生此書研窮物理
之精以達其人之間與於
物解似眾人所未發自本字
以本未言其子之者其書雖
云述而不作自作者固也多是

序

四

王不無所以得之歟以壽人因
以自壽者其未之知也初以成
因綴而自子曾端世之精於
形事者讀先生之書所以得
其不惟先生之志抑亦其志

之心友

嘉慶庚子歲九月七日

直隸漢學堂

北平漢學堂



序

五

序

一

內經言醫之體也本草言醫
之用也神農本草為三墳之
一漢書始著其名隋經籍志
神農本草經三卷與今分
上中下三品者相合修是經
者有桐君采藥錄二卷雷公
藥對二卷古已逸其書漢世
本草七卷名僅見於隋志魏
李當之本草三卷吳普本草
六卷今廣內皆不存幸經所采
藥凡三百六十五品梁陶景增而
倍之謂之名醫別錄厥後或

朝命增修或名醫附益至明李
東璧著本草綱目采藥一千
八百九十二種世稱集大成焉然
論者猶病其擇焉不精語焉
不詳惟潛江劉雲客先生所
著本草述竭三十年心力而成

序

二

為卷三十有二藥不過四百九十
種洋々乎八十餘萬言別具體
裁自成一子其書宗乎本經旁
及名論折衷古今同異之說而曲
暢之辨百物稟氣之原推臟
腑病氣之變氣以生物々以制

氣精深微妙一々參契于靈素
而詳說為是豈綱目諸書所能
及哉今夫作者謂聖述者謂明
古人之作書也或言簡意該或
引而不發胥有待於後之善讀
者焉蓋無窮者心無盡者理

序

三

以心契理而精至於無垠明徵之
有物而開物成務之旨曠若敷
蒙是故易经四聖而後之言易者
且數百家醫本岐黃而後之言醫
者不可計數然其可以當述之名
而無憾者有幾人哉吾家舊有

是書失之已久搜羅二十餘載始得之而抄讀焉歲庚午薛君蓉塘乃校正是書以授梓人曰吾願世之業醫者讀是書而益精其術也顧獨怪是書梓于康熙己卯迄今甫逾百年乃

序

四

業醫者至不能舉其名豈速化之術深中心苟以人之死生為嘗試而擇之精而語之詳者則憚煩為而不暇及然則功利之惑人心之陷溺此亦其一端也與予既為好是書欲廣其傳而

不能也得薛君之授梓而深契其用心之厚焉豈徒表章前哲云尔哉爰贅數言而為之

序

嘉慶十五年歲次庚午仲春之月陽湖後學吳寧瀾謹

序

五

序



本草述原序

故司寇潛江雲密劉公道德洽聞以剛腸直節名於海內年登八十稱耆造慈遺之老生平於書無所不讀而尤篤好軒岐之學揆賾反約竭三十年之力而本草述成其曰述者本經合論曲匱旁通以明夫不居作者驥夙獲揆杖屨公呼爲小友甲辰陽月訪公於家公神明不衰劇談彌夕酒闌燭灺自云不佞壯而多病以醫藥自輔看題處方良用娛慰雖古人之好煅好屐誠弗若也筆其所見幸底於成子其爲我序之謹譔鄭重而別論年乙巳公正星辰之位又論

本草述

卷之首

原序

一

總論

年乃克爲序序曰本草古三墳之書秦火所未焚者也漢平帝徵天下通知逸經古記天文厯算鍾律小學史篇方術本草及以孝經爾雅教授者在所爲駕一封軹傳造詣京師而本草之名始著梁七錄載神農本草三卷漢之張機華陀著其論梁之陶弘景增其注唐之蘇陳補其闕宋之劉翰集其成明之王氏李氏繆氏廣其目而本草之書乃備神農本草朱字譬則經也諸家增補朱墨錯互譬則傳注箋疏也譬之爲道五運六氣相爲貞勝人固有之物亦宜然葦蕕於盛夏款冬苑於霜雪寒暑之異也雞踰嶺而

黑鷄鴒踰嶺而白山川之異也酒飲之一石而不亂有濡輒顛眩者漆終日搏灑無害有觸之瘡爛者稟賦之異也黃精鉤吻一物而異性烏頭附子同生而異用藥之以好辨而爲功也嶺南多毒而有金蛇白藥以治毒湖南多氣而有葶藶茱萸以治氣魚鼈蠅蜋治溼氣而生於水麝香羚羊治石毒而生於山藥之以相勝而爲用也觸類引伸引繩切墨沈研鑽極剖剝理解剝後說之踏駁入先聖之闢與公之德遠矣余於是竊有說也始余讀本草而未有合也已而讀內經而無不合也已而更讀易而益無不合也內

本草述

卷之首

原序

二

總論

經以人之一身合周天三百六十度此乾坤之策也本草凡天施地生水火土石飛走草木此萬物之數萬一千五百之二十策也神而明之以觀其會通得意忘言而遺筌蹄公之述本草也其在斯乎其在斯乎唐宋以來名臣畱心醫道者余得三人焉狄梁公功在社稷勲業蓋代而有腦後下針鼻端疣落之術陸忠宣經濟印渙有唐龜鑑而有謫居荒陬集錄古方之事范文正出入將相先憂後樂而不爲宰相則爲名醫之願公心三公之心學三公之學歸歟投老區區以方技自見研露點筆十易創彙後之君子

讀其書而論其世可以知其爲人也若余也采天墮之杞菊制頽齡於刀圭竊公緒餘附於應璩百一之義其淺淺者耳聊藉斯文託公書以不朽而已
康熙丙午仲冬月

竟陵吳驥謹序

本草述

卷之首

原序

三

建寧山房

序

康熙庚辰冬偶問道青溪時劉漣水明府蒞任五載頌聲翕然訪余邸舍以尊人雲密先生所著本草述見示相屬爲序余性椎魯少於岐黃家言未暇寓目後偶讀稽叔夜養生論謂豆令人重榆令人瞑合歡蠲忿萱草忘憂而椰子厚論服食書亦云凡言丹砂者以類芙蓉言當歸者以類馬尾蠶首附子八角甘遂赤膚始念古之高人名士于方書藥性未嘗不加考核兼以遘咯血之疾遂潛心本草諸書竊謂素問難經猶儒者之六藝也本草猶爾雅之箋註蟲魚以本草述

卷之首 毛序

一 還讀山房

爲六藝羽翼者也考漢末不過三百六十五種至有明李東壁搜葺至一千八百九十二種可謂明備茂以加矣然或陰中之陽陽中之陰以及氣味之升降物理之疑似不無毫釐千里者先生一一舉而訂定之閱歲者三十屬筆者八十餘萬言變通於意象之中神明於言詮之表令初學引伸觸類瞭若指掌焉允矣神農氏之功臣東垣丹溪諸子之益友也哉先生以名進士官至司寇值明季喪亂杜門高尚以至殁身而其抑鬱侘傺之况所以銷歲月而葆天真者精力皆萃於此書與唐之陸宣公謫居荒僻憂讒畏

議不敢著書止集錄古方以爲救濟蒼生之助彷彿
畧同然宣公之書不能家傳戶習而先生所述直與
素問難經相表裏其功効尤爲過之至若漣水明府
清俸之餘幾不能給朝夕而捐貲剗剗以揚先澤所
謂孝子不匱永錫爾類讀之者親親仁民之思亦可
油然而生矣康熙三十有九年長至後一日遂安後
學毛際可撰

本草述

卷之首

毛序

二

還讀山房

序

本草述一書楚潛大司寇劉公雲密先生之所著也
先生昔舉馳閩疆值天人交去之際如人元氣垂盡
雖陀扁未易措手而庸師俗工多從旁撓之萬端宜
其奉身而退也退而閉門却掃積三十年之功專精
此書究神聖之微旨闡先哲之緒論參悟造物胚胎
之原與體物不遺之理精索而詳說焉成八十餘萬
言駁駁乎駕準繩綱目而上之小試其醫國之手以
自托於尊生壽世之術其意深其旨遠矣夫醫人之
道原通於醫國必真知藏府受病之所在而詳辨于
本草述

卷之首

陳序

一

還讀山房

藥劑氣味主治之所宜庶乎投之而皆當今不審其
所當否而或執一己之私膠愛憎之見黨同伐異卽
至敗乃公事而不顧而甚者又錯注顛倒攻補雜試
以僥倖一效而卒至于不可復挽明季之已事何以
異是先生蓋不勝痛之深故言之切鑒之遠故辨之
精也向使先生不奉身而退退而天不假之年以有
此書卽功業有所成就亦一時赫赫在人耳目間耳
孰與此書之仁術無窮登春臺而躋壽考者不可以
世數計哉說者謂沅湘間代多異人其所爲書多憂
愁幽思之旨先生著書其亦殆有遺憾然自軒岐氏

以來張李劉朱薛王諸先生之闡微抉幽以爲功于
素難本經者至於今爲烈盡使天下後世共免於天
札疵癘之患以無傷其細繻化生之和何莫非裁成
輔相之見諸行事東坡云病者得藥吾爲之體輕况
其挽回造化者乎今先生之書具在雖謂與張李劉
朱薛王諸先生同爲軒岐氏之功臣而挽造化于無
窮可也於是歎先生之澤遠矣先生其亦可以無遺
也夫

康熙己卯初夏海昌後學陳訂題于淳安學署

平卓述

卷之首

陳序

二

還讀山房

本草述序

本草經三卷相傳爲神農氏所作說者謂漢藝文志
不見是書惟梁七錄載之而其中又有後漢郡縣地
名遂疑上古未有文字必張機華陀輩附托不知古
聖皇神靈首出其下又有岐伯雷公爲之輔相即六
書未造豈無蟲書鳥篆共相授受者乎况神農氏之
書非特本草而已素問難經奇文奧義爲萬世醫經
之祖不可因後人之增地名遂并本草而疑之也漢
魏以來扁倉諸醫皆能神明於內經而本草猶沉埋
未出漢平帝元始五年詔天下通知方術本草者所
本草述 卷之一 序 一 還讀山房

在輶傳遺諸京師本草之名始著述傳至於唐宋一
時大臣奉詔修輯取陶弘景徐之才等所著而合纂
之墨書白字多所發明於是唐顯慶宋開寶嘉祐大
觀諸本草益大行於天下然神農氏之爲經僅三卷
而藥品止三百六十五種後世相繼增益藥品既已
倍蓰卷帙之繁又比神農氏而數倍之其爲書非不
燦然明備而深微之旨同異之論庸醫俗工罕能精
思而詳說之其不致臨證多誤以生人之術而反掌
殺人者幾希矣有明蘄州李東璧氏搜羅百家訪采
四方所著本草綱目載藥至一千八百九十二種於

唐宋以後諸書靡有罣漏醫家者流奉爲章程久矣然博稽旁摭該括古今雖體裁弘輦而擇焉而精語焉而詳亦或未之能概此大司冠劉雲密先生本草述一書不能無作也其爲書另出杼軸蓋以去華務實爲主而精詳研覈以軒岐素難爲之根極而貫穿融滙於張潔古李東垣王海藏朱丹溪諸家引而不發者咸爲挾其奧展其蘊而大暢之俾可共悟於造化功用之所以然而恍然於諸先生同異之精微蓋非特岐雷之僚佐亦神農氏之功臣也余讀之而嘆其超然淵詣誠欲自成一家言豈僅與本草綱目絜

本草述

卷之一序

二

選讀山房

短長較優劣者哉先生以醫國手植庸醫誤國之後雖有大丹神藥無所施其治療遂自入閩歸潛江著成是編貶其功業而小用之悲夫余先君築巖公以五經成進士奔竄閩海盡瘁以沒志與先生畧同惜所著等身之書盡散失於兵燹使後世無所傳述余反覆劉先生之書不禁其心痾也因泣然而爲之序康熙三十有八年歲在己卯孟春穀旦工科掌印給事中通家子譚瑄謹序

原序

太極之理一陰一陽盡之矣其一動一靜互爲其根則陽中之陰陰中之陽盡之矣天地之陰陽不得不散而爲五行者所謂質具於地氣行於天不遺於一物乃其不窮於六合者也然則人之陰陽其得之以爲腑臟氣血營衛者不由是乎然則草木蟲魚鳥獸金石水土其得之以爲溫涼寒熱燥溼升降者不由是乎雖然陰陽易辨也所謂陽中之陰陰中之陽則微妙難言以神農黃帝之神聖口咀內視鍼引石砭求其分際察其脈絡而後能得焉乃庸工妄人鹵莽

本草述

卷之首 高序

一

選讀山房

從事何其謬也誠欲詳審乎陽中之陰陰中之陽者亦惟察端於萬物共此一太極與一物各有一太極之理而知人性之與四時通及藥性之與五臟六腑通其理一也夫人性之通於四時與藥性之通於五臟六腑者自其稟天地之氣以成形而性卽具之故動靜相反也而互爲其根陰陽相判也而互爲其宅所謂五行一陰陽也陰陽一太極也太極一無極也此萬殊而一本也大造有氣化之本然而生人生物胥不外此其於人也備陰陽之太極而五臟六腑具焉於物也又各分太極之陰陽而若氣若味分焉此

一本而萬殊也邇而爲一體之立也而萬之用無乎不具散而爲萬用之行也而一之體未嘗不存軒岐之聖生而知之張潔古李東垣王海藏朱丹溪諸賢闢而明之彼其於先天後天妙合化醇之故所謂微妙而難言者有以神而明之矣庸工不察而立言之家又往往擇焉而不精語焉而不詳求其參互於陰陽交錯之故以消息乎盈虛之間蓋憂憂乎其難之此大司寇潛江劉雲密先生本草述之所爲作也先生在先朝舉天啓乙丑進士起家縣令歷監司忤時拂以正氣名聞天下崇禎末一再薦薦後驅馳閩本草述

卷之首 高序

二 還讀山房

海間見政柄下移知事不可爲卽於學易之年堅乞骸骨歸自號蠡園逸叟隱居著書三十載而於是編尤加意焉蓋其存心濟物不獲見諸行事而寓意於此也其學博其識精故能辨別本草稟受之性以窺陰陽之奧而得其合同而化之原迺徧采諸家方論權衡而上下之卽世所奉爲金科玉律如李東璧氏本草綱目亦時有去取焉觀止矣蔑以加矣今嗣鍾水明府令淳安之三年政通人和無天札疵癘之患其有得於家學淵源者不淺而欲俾斯民共躋於仁壽之域屬予較而梓之家弟言揚適司鐸是邦相助

訂正以迄有成是仁術也夫先生有范文正公良相良醫之願乃不克如文正之以功業見而徒寄情於方書則其時爲之歟後之讀是書者可以論其世矣康熙三十有八年歲次己卯夏六月天貺節嘉興後學高佑鉅謹序

本草述

卷之首

高序

三

還讀山房

